

Dumonda Gasser concernent la charta davart l'influenza da la selvaschina e la scolaziun e furmaziun supplementara

La problematica tranter il guaud e la selvaschina è daventada er en il Grischun bler pli acuta ils ultims 30 fin 40 onns. La dinamica vegn anc accelerada tras la midada dal clima. Mesiras futuras chaschunan uschia anc dapli lavur e custs. L'influenza da la selvaschina sin il guaud e la midada dal clima è – dal punct da vista dal mantegniment dal guaud da protecziun, da la biodiversitad e da l'utilisaziun spargnusa da resursas – las duas sfidas las pli grondas per l'economia forestala.

En il guaud han lieu process a lunga vista. Sche problems vegnan suspendids e na vegnan betg schliads, cunzunt en quai che pertutga il guaud da protecziun, ha quai consequenzas fatalas per la proxima generaziun. Per dumagnar las grondas sfidas èsi perquai central da stgaffir ina basa da chapientscha vicendaivla per tut las parts participadas e da concentrar las forzas.

Las sutsegnadras ed ils sutsegnaders tschentan las suandantas dumondas a la regenza:

1. È la charta davart l'influenza da la selvaschina ch'è vegnida registrada dals selviculturs e sviluppada da l'uffizi da guaud e privels da la natira (UGP) ina basa ch'è acceptada areguard la metodica ed areguard il cuntegn per giuditgar l'influenza da la selvaschina sin la regiuvinaziun natirala dal guaud?
2. Quant enavant influenzeschan las «chartas davart l'influenza da la selvaschina» ils dumbers concrets da selvaschina d'ungla sajettada da l'uffizi da chatscha e pestga (UCP) [planisaziun da la chatscha]?
3. Persistenza e cultivaziun spargnusa dal guaud vul dir: Uschè blera regiuvinaziun natirala sco pussaivel, uschè paucas intervenziuns sco necessari. Quant enavant sa senta il UCP obligà d'observar questas prescripziuns per regular la populaziun da selvaschina d'ungla?
4. Per tge motiv na vegnan las «chartas davart l'influenza da la selvaschina» che vegnan registradas mintga onn, insumma betg publitgadas u betg publitgadas avant la planisaziun da la chatscha?
5. Quant enavant vegnan las chatschadras ed ils chatschaders scolads u perfecziunads areguard la problematica tranter il guaud e la selvaschina?

Cuira, ils 4 da december 2019

Gasser, Danuser, Aebli, Atanes, Baselgia-Brunner, Bigliel, Brandenburger, Buchli-Mannhart, Cahenzli-Philipp, Deplazes (Cuira), Deplazes (Rabius), Derungs, Dürler, Ellemunter, Flütsch, Gartmann-Albin, Gugelmann, Hartmann-Conrad, Hefti, Hofmann, Jenny, Kappeler, Kohler, Lamprecht, Maissen, Müller (Favugn), Noi-Togni, Paterlini, Preisig, Rettich, Rutishauser, Schmid, Schutz, von Ballmoos, Widmer-Spreiter (Cuira), Zanetti (Sent), Padrun-Valentin, Pajic, Spadarotto